



IZVJEŠTAJ o radu za **2024.** godinu

ekopak

prvi ovlašteni operater sistema upravljanja
ambalažom i ambalažnim otpadom u
BOSNI I HERCEGOVINI

Member of
 **PRO EUROPE**
Packaging Recovery Organisation Europe

Member of
 **Expra**
Extended
Producer
Responsibility
Alliance



Dragi klijenti, partneri i prijatelji Ekopaka,

sa zadovoljstvom vam predstavljamo izvještaj poslovanja Ekopaka za 2024. godinu.

Ekopak je, u skladu s članom 26. Pravilnika o upravljanju ambalažom i ambalažnim otpadom FBiH, Federalnom ministarstvu okoliša i turizma i Fondu za zaštitu okoliša Federacije BiH dostavio svoj "Godišnji izvještaj o upravljanju ambalažom i ambalažnim otpadom za 2024. godinu".

Prema podacima iz izvještaja, Ekopak je u 2024. godini putem mreže od 22 sakupljača iz svih 10 kantona Federacije BiH na reciklažu predao ukupno 22.332 tonu ambalažnog otpada, čime je propisani opći cilj ne samo ispunjen, već i prebačen za 4%.

Također su prebačeni i specifični ciljevi po vrstama ambalažnih materijala, i to:

● **staklo za 3%** ● **metal za 7%** ● **papir za 3%** ● **plastika za 6%** ● **drvo za 5%** ● **ambalaža od opasnih materija za 4%**

Od početka rada 2012. godine do danas, Ekopak je ukupno na reciklažu predao blizu 160.000 tona ambalažnog otpada, što je ekvivalent teretu od oko 9.000 kamiona.

Ovi rezultati potvrđuju uspješnost našeg sistema i predanost cijelog tima Ekopaka. Posebno zahvaljujem više od 900 klijenata koji su nam povjerili ispunjavanje zakonske obaveze za ispunjenje ciljeva za reciklažu ambalažnog otpada, kao i našoj mreži od 22 sakupljača, od čega je 11 javnih komunalnih, te 11 privatnih preduzeća širom Federacije BiH – od Bihaća do Tomislavgrada. Njihov rad direktno doprinosi smanjenju količine komunalnog otpada na deponijama i razvoju cirkularne ekonomije. Zahvaljujemo se i lokalnim zajednicama, medijima, kao i nevladinim i vladinim organizacijama – na kontinuiranoj podršci razvoju sistema reciklaže ambalažnog otpada i zaštiti okoliša u Bosni i Hercegovini. U 2025. godini nastavljamo sa još jačom motivacijom da dalje razvijamo sistem, sa maksimalnim okolišnim koristima i minimalnim utjecajem na cijene proizvoda.

Vašu ambalažu u  reciklažu!

Srdačno,
Amela Hrbat,
direktorica Ekopaka

REZULTATI RADA 2024. GODINA

Predato na reciklažu **22.332 t**

Ekopak je u 2024. godini putem mreže od 22 sakupljača iz svih 10 kantona Federacije BiH na reciklažu predao ukupno 22.332 tone ambalažnog otpada, čime je propisani opći cilj ne samo ispunjen, već i prebačen za 4%.



STAKLO



2.319 t

METAL



590 t

PAPIR



15.194 t

PLASTIKA



3.287 t

DRVO



870 t

ONEČIŠĆENA OPASNIM
MATERIJAMA



72 t

REZULTATI RADA 2012. – 2024.

Predato na reciklažu **158.309 t**

Ekopak je od 2012. godine, kada je počeo sa operativnim radom, pa do 2024. godine, zajedno sa svojom mrežom saradnika, predao na reciklažu blizu 160.000 tona ambalažnog otpada.



+900 klijenata **10** kantona FBiH **22** sakupljača u FBiH **11** javnih komunalnih preduzeća **11** privatnih kompanija **22** centra za prikupljanje ambalažnog otpada

STAKLO



13.709 t

METAL



3.538 t

PAPIR



112.052 t

PLASTIKA



20.783 t

DRVO



5.994 t

VIŠESLOJNI
MATERIJALI



1.996 t

ONEČIŠĆENA
OPASNIM
MATERIJAMA



237 t

PROJEKTI U 2024.

Ekopak uručio dvadeset posuda za prikupljanje staklene ambalaže JKP-u „Vodograd“ iz Prozor-Rame

Ekopak je 2023. godine uspostavio poslovnu saradnju sa Javnim komunalnim preduzećem „Vodograd“ iz Prozor-Rame, koje je već na početku pokazalo izuzetnu efikasnost u radu kad je u pitanju prikupljanje ambalažnog otpada.

Kako bismo unaprijedili prikupljanje staklene ambalaže, Ekopak je u decembru 2023. godine Vodogradu isporučio 20 kanti, a koje su u januaru ove godine uručene ugostiteljskim objektima.

Ove kante prikladne su za postavljanje u šank samog objekta, što osoblju uveliko olakšava odvajanje staklene ambalaže od ostalog otpada.



JKP Bioštica iz Olova nabavilo vozilo koje je sufinansirao Ekopak

U skladu sa svojim poslovnim ciljevima vezano za unapređenje infrastrukture sistema reciklaže ambalažnog otpada, Ekopak je sufinansirao nabavku vozila za komunalno preduzeće Bioštica d.o.o. iz Olova.

15. avgusta 2024. godine vozilo je pripremljeno za operativni rad, što će značajno doprinijeti efikasnijem prikupljanju i transportu ambalažnog otpada u ovom području.



U ime JKP Bioštica d.o.o., vozilo je preuzela gđa Mediha Karamović, koja je izrazila zahvalnost Ekopaku, ističući važnost ovakvih inicijativa za daljnji razvoj održivog upravljanja otpadom u lokalnoj zajednici.



Ekopak uručio KJKP-u Rad 30 brendiranih posuda za staklenu ambalažu

Ekopak, vodeći operater sistema upravljanja ambalažnim otpadom u Bosni i Hercegovini, je u cilju efikasnijeg sakupljanja staklene ambalaže, nabavio i predao KJKP-u Rad 30 komada brendiranih kanti.

Ove kante će značajno doprinijeti unapređenju reciklažnog procesa u Sarajevu, omogućavajući odlaganje staklene ambalaže na odgovarajući način.



Odvojeno odlaganje ambalažnog otpada u Mostaru

Na ulicama Mostara postavljeni su kontejneri za odvojeno odlaganje ambalažnog otpada, zahvaljujući saradnji između JKP Komunalno Mostar i Ekopaka.



Ekopak uručio Goethe Institutu u BiH posude za odlaganje ambalažnog otpada

Ekopak je sa zadovoljstvom podržao Goethe Institut u njihovoj namjeri da među svojim zaposlenicima i polaznicima kurseva uvede kulturu selektivnog odlaganja ambalažnog otpada.

Uz partnerstvo Ekopaka i Goethe Instituta, očekuje se da će se širenjem svijesti o važnosti selektivnog odlaganja ambalažnog otpada postići pozitivan utjecaj na zajednicu, potičući održive prakse među građanima Bosne i Hercegovine.

Ovaj korak predstavlja samo početak saradnje koja bi mogla postati uzor drugim organizacijama i institucijama u zemlji, doprinoseći stvaranju okolišno osviještene društvene zajednice.

Goethe Institut, kao globalno aktivni kulturni institut Savezne Republike Njemačke, djeluje u 98 zemalja širom svijeta, a u Bosni i Hercegovini su prisutni od 2000. godine.



Posude za sortiranje ambalažnog otpada uručene GOPA-i Worldwide Consultants

Ekopak je podržao nastojanja međunarodne organizacije GOPA Worldwide Consultants u uvođenju selektivnog odlaganja ambalažnog otpada među svoje zaposlenike u Bosni i Hercegovini, tako što je predao set posuda namijenjenih odlaganju papirnog ambalažnog otpada.

Ujedinjeni u svojoj viziji unapređenja reciklaže ambalažnog otpada i podrške održivom razvoju, Ekopak i GOPA Worldwide Consultants nastaviti će zajednički raditi u realizaciji ovog cilja.

GOPA Worldwide Consultants je lider u razvojnom savjetovanju čiji projekti širom svijeta teže poboljšanju socijalne i ekonomske situacije kroz oblasti kao što su obrazovanje, zapošljavanje, ekonomski razvoj, zaštita prirode, očuvanje životne sredine, borba protiv klimatskih promjena te unapređenje zdravlja i društvenog razvoja.



JKP Rad Ključ zabilježio porast prikupljenih količina ambalažnog otpada

JKP Rad Ključ koji je u sistemu Ekopaka od 2014. godine, svake godine bilježi porast prikupljenih količina ambalažnog otpada.

Ekopak je aktivno podržao lokalnu zajednicu kroz nabavku eko-otoka za odvojeno odlaganje otpada, kao i vozila za transport ambalažnog otpada za JKP Rad, uz implementaciju niza edukativnih aktivnosti.



Ova saradnja predstavlja odličan primjer kako javno-privatno partnerstvo može pozitivno uticati na lokalnu zajednicu i doprinijeti širem cilju razvoja cirkularne ekonomije u našoj zemlji.

JKP Tomislavgrad isporučilo nove količine ambalažnog otpada u sistem Ekopaka

JKP Tomislavgrad je ostvario značajne rezultate u prikupljanju ambalažnog otpada u toku 2024. godine. Ovo javno komunalno preduzeće aktivno je uključeno u sistem Ekopaka od 2022. godine, čime su napravili važan korak ka održivom upravljanju otpadom u svojoj lokalnoj zajednici.

Iako je riječ o relativno maloj lokalnoj zajednici, građani Tomislavgrada su pokazali izuzetnu spremnost da sortiraju nastali otpad, što uveliko doprinosi efikasnosti i uspješnosti sistema u njihovoj zajednici.



Ekopak i KJP Komrad zajedno prema ostvarivanju planiranih ciljeva

Ekopak je nastavio svoju dugogodišnju uspješnu saradnju sa JKP Komrad iz Bihaća i u 2024. godini koji je u sistem reciklaže dostavio značajne količine ambalažnog otpada.

Saradnja između Ekopaka i Komrada započela je 2013. godine i od tada su postignuti značajni rezultati. Kroz ovu dugogodišnju saradnju, velike količine ambalažnog otpada su uspješno izdvojene iz komunalnog otpada s područja Grada Bihaća i kroz sistem Ekopaka usmjerene na reciklažu.



JKP Vodograd Prozor-Rama u kratkom vremenskom periodu ostvarilo značajne rezultate

JKP Vodograd Prozor-Rama, koje se 2023. godine pridružilo sistemu Ekopaka, u kratkom vremenskom periodu ostvarilo je značajne rezultate, obezbjeđujući niz isporuka različitih ambalažnih materijala u okviru našeg sistema.

Prisutnost JKP Vodograd u sistemu Ekopaka je dala pozitivan doprinos unapređenju sistema reciklaže, a njihov angažman postavlja standard za efikasno upravljanje ambalažnim otpadom, koji može biti primjer drugim lokalnim zajednicama širom FBiH.



JP Komunalno Mostar u sistemu Ekopaka

U prostorijama Ekopaka potpisan je ugovor o uključivanju Javnog preduzeća Komunalno Mostar u sistem Ekopaka. Ugovor su potpisali direktor JP Komunalno Mostar Đani Rahimić i direktorica Ekopaka Amela Hrbat.

Potpisivanjem ovog ugovora, Grad Mostar započinje sa uspostavom sistema odvojenog odlaganja ambalažnog otpada, koji će se prikupljati u posebne kontejnere postavljene širom grada. JP Komunalno Mostar preuzet će odgovornost za pražnjenje kontejnera i pripremu ambalažnog otpada za reciklažu, dok će Ekopak osigurati da sav prikupljeni otpad završi u procesu reciklaže.



Ekopak i JKP Vilenica-Čistoća unapređuju sistem prikupljanja ambalažnog otpada u Općini Novi Travnik

U prostorijama Ekopaka potpisan je ugovor o nabavci vozila za prijevoz ambalažnog otpada u Općini Novi Travnik. Ugovor su potpisale direktorica JKP-a Vilenica-Čistoća, Svjetlana Tokalić, i direktorica Ekopaka, Amela Hrbat.

Ova investicija predstavlja još jedan korak ka unapređenju sistema prikupljanja i reciklaže ambalažnog otpada u Općini, čime se značajno doprinosi očuvanju okoliša.



Ekopak i JKP Komrad Bihać nastavljaju unapređenje sistema prikupljanja ambalažnog otpada

U prostorijama Ekopaka potpisan je ugovor o daljem razvoju sistema odvojenog prikupljanja ambalažnog otpada i njegove pripreme za reciklažu u gradu Bihaću.

Ugovor su potpisali direktor Komrada Mehura Selimović i direktorica Ekopaka Amela Hrbat.



Uspješno završen projekat "Recikliraj me. Pokloni mi novi život."

Uspješno je završen projekat "Recikliraj me. Pokloni mi novi život.", koji su realizovali Coca-Cola HBC B-H Sarajevo, Mercator i Pika Kartica, a čiji je partner bio i Ekopak.

Tom prilikom je prikupljeno i distribuirano na reciklažu

227.644 PET boca.

Ovogodišnji projekat je realizovan u junu i julu, pokazao je da zajedničkim trudom možemo utjecati na navike i pravilno odlagati PET ambalažu omogućivši joj novi život. Potrošači su od početka mjeseca juna, kada je zvanično započeo projekat koji se provodi u sklopu Coca-Colinog globalnog programa "Svijet bez otpada", donosili boce iz svojih domova u šest odabranih Mercator hipermarketa širom BiH. Tako su pokazali posvećenost i angažiranost ka očuvanju okoliša, te demonstrirali da postoji svijest o važnosti odgovornog postupanja sa otpadom.

BHTI o prikupljanju ambalažnog otpada tokom SFF-a

Ekipa BHTI posjetila je Ekopak kako bi razgovarali sa direktoricom Amelom Hrbat o prikupljanju i recikliranju ambalažnog otpada tokom Sarajevo film festivala.

Ove godine, kao i prethodnih, Ekopak je pružio podršku Coca-Coli u prikupljanju ambalažnog otpada tokom ovog jednog od najznačajnijih kulturnih događaja u regiji.

Naime, Ekopak ima važnu ulogu u realizaciji projekta "Recikliraj me. Pokloni mi novi život.", u okviru kojeg se postavljaju posebni kontejneri na najprometnijim lokacijama u centru Sarajeva.



Uoči SFF-a održan "Green Day Panel": Ekopak kao partner u održivoj budućnosti

Uoči održavanja Sarajevo Film Festivala, održan je panel pod nazivom Green Day koji je okupio stručnjake i partnere iz različitih industrija kako bi razgovarali o važnosti održivih praksi i zaštite okoliša.

Ovaj panel, održan u kinu Meeting Point u Sarajevu, predstavio je inicijative i aktivnosti Festivala i njegovih partnera u oblasti održivosti i zaštite okoliša.

Jedan od osnivača Ekopaka, Coca-Cola već godinama postavlja kontejnere za odlaganje ambalažnog otpada tokom Sarajevo Film Festivala, a Ekopak se brine da sav prikupljeni ambalažni otpad bude predat na reciklažu, što nas čini ponosnim partnerima u ovom projektu.



Tokom Sarajevo Film Festivala Ekopak sa partnerima prikupio 39.908 kg otpada, od čega je 36.581 kg ambalažnog otpada koji će biti upućen na reciklažu

Tokom Sarajevo Film Festivala, koji se održao od 16. do 23. augusta 2024. godine, Ekopak je kroz različite kanale prikupio značajne količine ambalažnog otpada.



Ministar prostornog uređenja, graditeljstva i zaštite okoliša ZHK Zvonimir Širić posjetio Ekopak

Ministar prostornog uređenja, graditeljstva i zaštite okoliša Županije Zapadnohercegovačke Zvonimir Širić boravio je u radnoj posjeti Ekopaku.

Sastanku je prisustvovao i gosp. Ivan Šarić, vlasnik i direktor Ladanušić čistoće iz Posušja sa kojim Ekopak ima dugu i uspješnu saradnju od samog početka operativnog rada.

Na sastanku je razgovarano o dosadašnjim postignućima u Zapadnohercegovačkom kantonu u segmentu prikupljanja ambalažnog otpada i njegove reciklaže, te su doneseni zaključci u kojim segmentima će se dalje raditi kako bi se sistem u ovom kantonu unaprijedio.

Značajno je naglasiti da je ministar Širić imao vrlo konkretne i dobre prijedloge, te je izrazio spremnost da pruži podršku i aktivnostima koje će Ministarstvo, Ladanušić čistoća i Ekopak kao partneri implementirati u skoroj budućnosti.



Evaluatori pohvalili Ekopak u realizaciji i održivosti projekta reciklaže stakla u BiH

Ekopak je imao zadovoljstvo ugostiti evaluatore projekta "Upravljanje staklenom ambalažom u zemljama Zapadnog Balkana", koji su posjetili našu kompaniju kako bi procijenili dugoročne rezultate i održivost ovog značajnog projekta.

Ovaj projekat je implementiran u Bosni i Hercegovini, Srbiji i Sjevernoj Makedoniji uz podršku njemačke organizacije GIZ i uspješno je realizovan krajem 2022. godine zahvaljujući saradnji između operatera Ekopak, Sekopak i Pakomak. Ekopak je tokom dvogodišnjeg trajanja projekta imao ključnu ulogu u postavljanju i uspostavi infrastrukture za prikupljanje staklene ambalaže.

Projekat je obuhvatio nabavku specijalnih kontejnera (tzv. zvona) za odlaganje staklenog otpada, koji su postavljeni u četiri lokalne zajednice: Ilidža, Bihać, Novi Travnik i Konjic.



Ekopak dobio zahvalnicu za učešće u projektu SarajECO

U Domu mladih Skenderija u Sarajevu održana je svečana završnica proljetne akcije čišćenja Kantona Sarajevo pod nazivom SarajECO.

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo dodijelilo je zahvalnice svim učesnicima u sklopu akcije i drugim koji su svojim angažmanom



doprinijeli realizaciji proljetne akcije SarajECO. Među dobitnicima zahvalnice je i Ekopak, koji je organizirao edukaciju školske djece na temu reciklaže ambalažnog otpada.



Ekopak podržao Izložbu «Mostar Eko Grad»

U petak, 15. marta Centar za kulturu Mostar ugostio je izložbu "Mostar Eko Grad – čuvari i čuvarice budućnosti", koju je organiziralo udruženje "Nešto više" iz Mostara.

Učenici iz 22 osnovne škole predstavili su svoje radove, koristeći reciklabilne materijale za stvaranje umjetničkih instalacija. Partner u ovom projektu je bio i Ekopak koji je osigurao nagrade za sudionike. Tom prigodom predstavnik Ekopaka je održao prezentaciju o važnosti reciklaže i pravilnog sortiranja ambalažnog otpada, kao i svoje djelovanje u lokalnim zajednicama u svih deset kantona Federacije BiH.

Ova izložba nije samo bila izvor inspiracije i umjetničkog užitka, već i podsjetnik na važnost aktivnog sudjelovanja u sistemu reciklaže ambalažnog otpada i očuvanju okoliša za buduće generacije.



EDUKACIJE I PROMOCIJE 2024.



Ekopak i JKP Komrad zajedno na sajmu EKOBIS u Bihaću

Ekopak i JKP Komrad Bihać učestvovali na ovogodišnjem sajmu EKOBIS u Bihaću. Ovaj sajam, koji se tradicionalno održava u srcu Unsko-sanskog kantona, okuplja učesnike iz oblasti ekologije, komunalnih usluga, energetike i održivog razvoja, te predstavlja odličnu platformu za razmjenu ideja i predstavljanje inovativnih rješenja.



Ekopak podržao OREA Art Market: Kroz igru i kreativnost učili smo mališane o važnosti reciklaže ambalažnog otpada

U nedjelju, 10.11.2024. godine, u hotelu Holiday, u Sarajevu, održan je OREA Art Market. Tom prilikom Ekopak je organizovao edukativno-kreativne radionice za djecu, gdje su mališani kroz igru i kreativnost učili o važnosti reciklaže ambalažnog otpada. Tom prilikom je prikupljeno blizu 700 PET boca i 11 kg papira (10 kg kartona i 1 kg papirnih čaša).



Ekopak podržao JobFAIR '24: Povezivanje mladih talenata s tržištem rada uz okolišnu svijest

Ovaj značajan projekt, organiziran od strane Udruženja studenata elektrotehnike Evrope, EESTEC LC Sarajevo, predstavlja priliku za direktan kontakt mladih s uspješnim domaćim kompanijama. JobFAIR '24 održao se 4. i 5. novembra, pružajući studentima priliku da se povežu s poslodavcima i istraže mogućnosti zapošljavanja.

Ekopak obilježio Svjetski dan zaštite okoliša edukativno-zabavnim radionicama u Travniku i Bihaću

Ekopak je u sklopu obilježavanja Svjetskog dana zaštite okoliša, 4. i 5. juna, održao edukativno-zabavne radionice za učenike Osnovne škole Travnik iz Travnika i Osnovne škole Harmani 1 iz Bihaća, gdje su djeca učila o važnosti reciklaže ambalažnog otpada, procesu ispravnog odlaganja i reciklaže, te su se takmičila u kvizu stečenog znanja, praktičnoj vježbi ispravnog odlaganja ambalažnog otpada i ispunjavanju eko-križaljki.

Ambalažu za cvijet: Općina Kreševo, Ekopak i JKP Kostajnica obilježili Dan planete Zemlje

Općina Kreševo je bila domaćin događaja "Ambalažu za cvijet i svijet će opet biti lijep!", koji su povodom obilježavanja Dana planete Zemlje organizovali JKP Kostajnica Kreševo i Ekopak.

Građani Općine Kreševo koji su donijeli minimalno tri komada staklene, papirne ili plastične ambalaže i odložili ih u odgovarajući kontejner koji je postavilo JKP Kostajnica, dobili su prekrasne sadnice cvijeća kao zahvalu za svoj angažman, dok su djeca na poklon dobijala edukativne slikovnice i brošure.

KJKP Rad, Ekopak i Zeos obilježili Dan planete Zemlje na Reciklažnom dvorištu u Sarajevu

U sklopu obilježavanja Dana planete Zemlje, KJKP Rad je u partnerstvu sa operaterima sistema Ekopak i Zeos organizirao prigodnu manifestaciju u Reciklažnom dvorištu, gdje je organizovao predstavu za djecu, igrokaz i izložbu učenika sedam srednjih škola, uz dodjelu zasluženih nagrada i zahvalnica sudionicima projekta.



Ekopak ugostio ekipu N1 televizije

Ekipa N1 televizije posjetila je Ekopak, gdje smo razgovarali o dosadašnjim postignućima Ekopaka u prikupljanju i reciklaži ambalažnog otpada, kao i o važnosti sistema proširene odgovornosti proizvođača (POP), modela koji već decenijama uspješno funkcioniše u Evropskoj uniji.

Promotivna kampanja Ekopaka na Ilidži: dizanje svijesti o odvojenom odlaganju staklene ambalaže

Ekopak je u 2024. godini, u Općini Ilidža organizovao promotivnu kampanju s ciljem podsjećanja građana na važnost odvojenog odlaganja staklene ambalaže i njene reciklaže.

Ekopak podržao Diplomatski bazar uz fokus na reciklažu ambalažnog otpada i očuvanju okoliša

Ekopak je podržao Diplomatski bazar, humanitarni događaj, koji je okupio veliki broj posjetilaca. Kao dio svoje misije, Ekopak je na bazaru postavio setove kanti za pravilno odlaganje ambalažnog otpada. Ekopak preuzeo ambalažni otpad sakupljen tokom Diplomatskog bazara i Omladinskog filmskog festivala, koji je predat na reciklažu.

EDUKACIJE I PROMOCIJE 2024.



Ekopak na konferenciji "Ciklus održivosti – izazovi i rješenja u upravljanju komunalnim otpadom" u Neumu

U Neumu je održana dvodnevna konferencija pod nazivom "Ciklus održivosti – izazovi i rješenja u upravljanju komunalnim otpadom", koja je okupila stručnjake i predstavnike sektora upravljanja otpadom iz cijele regije.

Konferencija je organizovana s ciljem razmjene iskustava, identifikacije izazova i pronalaženja najboljih praksi za unapređenje sistema upravljanja otpadom u Bosni i Hercegovini. Ekopak, kao prvi ovlašteni operater sistema upravljanja ambalažnim otpadom u BiH, bio je aktivan učesnik ovog važnog događaja.



Ekopak na konferenciji "Otpad – resurs za razvoj cirkularne ekonomije" u Beogradu

Konferencija "Otpad – resurs za razvoj cirkularne ekonomije" je održana u Beogradu u decembru 2024. godine. Ovaj značajan događaj, organizovan od strane Privredne/Gospodarske komore Federacije BiH u partnerstvu sa Privrednom komorom Srbije, okupio je više od 100 učesnika iz Bosne i Hercegovine, Srbije i Sjeverne Makedonije. Konferencija je pružila platformu za razmjenu znanja, iskustava i najboljih praksi u oblasti upravljanja otpadom i razvoja cirkularne ekonomije.

Ekopak je učestvovao na jednom od ključnih panela "Javno-privatno partnerstvo: prilika za unapređenje kvaliteta komunalne infrastrukture i pružanja javnih usluga, sa posebnim osvrtom na komunalni otpad". Ekopakova uloga na konferenciji dodatno je potvrdila posvećenost kompanije promociji sistema reciklaže ambalažnog otpada u BiH, održivih rješenja i razvoju cirkularne ekonomije u regiji.



PROMOCIJE ZELENE TAČKE 2024.

Promocija Zelene tačke u FIS Vitezu

FIS Vitez je bio domaćin prve ovogodišnje promocije Zelene tačke. U petak, 16. februara, zajedno smo se družili sa građanima Viteza, pružajući im informacije o aktivnostima Zelene tačke i naglašavajući njen značaj za unapređenje sistema reciklaže ambalažnog otpada u našoj zemlji.

Njihov primjer treba da inspiriše druge kompanije u BiH da poduzmu slične korake za reciklažu ambalažnog otpada.



Uspješno održana promocija Zelene tačke u Konzumu u SCC Centru u Sarajevu

Konzum u Tržnom centru SCC u Sarajevu bio je domaćin jedne inspirativne i edukativne promocije o važnosti kupovine proizvoda s oznakom Zelena tačka.

Promocija je organizovana u saradnji sa SCC-om i Konzumom te je privukla veliki broj potrošača svih uzrasta koji su pokazali interes za Zelenu tačku i razvoj sistema reciklaže ambalažnog otpada u našoj zemlji.

Posjetitelji su imali priliku družiti se s timom Ekopaka koji je dijelio znanje o važnosti Zelene tačke, simbola koji označava da proizvođači koji koriste ovaj znak na ambalaži svojih proizvoda finansijski podržavaju razvoj sistema reciklaže ambalažnog otpada u našoj zemlji.

Promociju su podržali Coca-Cola, Nestle, Fino, Ledo, Royal Food i Orbico kao društveno odgovorne kompanije, članice sistema Zelena tačka koje finansijski učestvuju u razvoju sistema reciklaže ambalažnog otpada u našoj zemlji.



Konzum u Importanne Centru Sarajevo bio domaćin još jednog zanimljivog događaja

Nakon uspješno realizovanih događaja u FIS Vitezu i SCC-u Sarajevo, Ekopak je nastavio sa serijom promocija Zelene tačke. Ovog puta, družili smo se sa Sarajlijama u Konzumu u Importanne Centru.

Promocija je i ovoga puta privukla pažnju javnosti, a prisutni su imali priliku učiti o značenju i značaju Zelene tačke i doprinosu pojedinaca u sistemu reciklaže.

Podršku ovom događaju pružile su renomirane kompanije Coca-Cola, Nestle, Fino, Ledo, Royal Food i Orbico, koje ambalažu svojih proizvoda označavaju ovim prestižnim znakom, komunicirajući na taj način opredijeljenost da finansiraju razvoj sistema reciklaže ambalažnog otpada u našoj zemlji.



Uspješno druženje sa potrošačima Mepas Mall-a u Mostaru

Nakon uspješno realizovanih događaja u FIS Vitezu, SCC-u i Importanne Centru u Sarajevu, Ekopak je nastavio sa serijom promocija Zelene tačke. Ovog puta, družili smo se sa potrošačima Konzuma u Mepas Mall-u u Mostaru.

Promocija je i ovoga puta privukla pažnju javnosti, a prisutni su imali priliku učiti o značenju i značaju Zelene tačke i doprinosu pojedinaca u sistemu reciklaže.

Podršku ovom događaju pružile su renomirane kompanije Coca-Cola, Nestle, Fino, Ledo, Royal Food i Orbico, koje su ambalažu svojih proizvoda označavale ovim prestižnim znakom, komunicirajući na taj način opredijeljenost da kroz princip "produžene odgovornosti proizvođača" finansiraju razvoj sistema reciklaže ambalažnog otpada u našoj zemlji.



Održana promocija Zelene tačke u Mercatoru TC Borik – Banja Luka

Kroz niz događaja održanih u tržnim centrima, tačnije u FIS Vitez u Vitezu, te objektima Konzuma i Mercatora u SCC-u i Importanne Centru u Sarajevu, Mepas Mall-u u Mostaru i TC-u Borik u Banja Luci, informisali smo stotine kupaca o važnosti kupovine proizvoda sa oznakom Zelene tačke i učešću u sistemu reciklaže ambalažnog otpada u našoj zemlji.

Naša misija je bila istaknuti značaj ovog međunarodno zaštićenog znaka u sistemu reciklaže i podići svijest o ulozi pojedinaca i kompanija u razvoju sistema reciklaže u našoj zemlji.



Održana promocija Zelene tačke u Mercatoru – zabava za cijelu porodicu

Ekopak i Mercator su u subotu, 21. decembra u Mercatoru Ložionička u Sarajevu, organizovali dan igre, zabave i sjajnih poklona za djecu!

Roditelji su imali priliku kupiti tri proizvoda sa znakom Zelena tačka, sa svojim mališanima posjetiti naš pult, zavrtjeti kolo sreće i osvojiti lijepe poklone. Osmijesi i uzbuđenje djece, ali i roditelja, pokazali su da je ova akcija bila pun pogodak.



Mališani su sa oduševljenjem prihvatili zabavne igre i nagrade, dok su roditelji pokazali svoj duh svjesnosti o značaju zaštite okoliša, birajući proizvode sa znakom Zelena tačka i podržavajući sistem reciklaže ambalažnog otpada.



Ekopak dodijelio 20 certifikata Zelena tačka odgovornim kompanijama u BiH

U okviru kontinuiranih napora na razvoju sistema reciklaže ambalažnog otpada u Bosni i Hercegovini, Ekopak je dodijelio 20 certifikata Zelena tačka kompanijama koje su ovim činom dodatno potvrdile svoje opredjeljenje ka zaštiti okoliša i održivom poslovanju.

Kao ekskluzivni nosilac prava na korištenje međunarodno zaštićenog znaka Zelena tačka na tržištu Bosne i Hercegovine, Ekopak ističe važnost ovog simbola koji označava da proizvođač ispunjava zakonske obaveze upravljanja ambalažnim otpadom kroz sistem Ekopaka. Označavanje ambalaže ovim znakom predstavlja javni izraz odgovornosti prema okolišu, ali i podršku razvoju efikasnog i održivog sistema reciklaže u našoj zemlji.

Kompanije koje su dobile certifikat Zelena tačka pokazale su visok nivo društvene i okolišne odgovornosti, a sam certifikat dodatno jača njihov ugled među potrošačima, koji danas sve više vrednuju proizvode kompanija koje ulažu u zaštitu okoliša.

Ekopak poziva i druge kompanije u Bosni i Hercegovini da slijede ovaj primjer i da se aktivno uključe u promociju sistema reciklaže i cirkularne ekonomije. Odgovorno poslovanje danas je jedan od ključnih pokazatelja uspješnosti i dugoročne održivosti.

Zajedno činimo razliku – Zelena tačka je više od simbola, ona je izbor za bolju budućnost.



Kompanije koje su dobile certifikate:

- COCA-COLA HBC B-H d.o.o.
- ROYAL FOOD D.O.O. SARAJEVO
- AUTO ANA D.O.O. GRUDE
- AVON COSMETICS BIH
- BELIF D.O.O. TEŠANJ
- BAUMIT PROIZVODNJA D.O.O. SARAJEVO
- BILI BRIG D.O.O. GRUDE
- BOREAS D.O.O. KREŠEVO
- LEDO D.O.O. ČITLUK
- G3 SPIRITS D.O.O. ŠIROKI BRIJEG
- TVORNICA CEMENTA KAKANJ D.D. KAKANJ
- MARBO D.O.O. (PEPSICO) LAKTAŠI
- MCI D.O.O. ŠIROKI BRIJEG
- MLIJEKOPRODUKT D.O.O. KOZARSKA DUBICA
- MOLSON COORS BH D.O.O. BANJA LUKA
- NELT D.O.O. ISTOČNO SARAJEVO
- NESTLE ADRIATIC BH D.O.O. SARAJEVO
- ORBICO D.O.O. BIH
- PODRAVKA D.O.O. BIH
- SOLANA D.D. TUZLA

PROMOCIJA SISTEMA U 2024. GODINI

65

Saopćenja za
javnost

5

Intervjua

27
DOGAĐAJA



160

POSTOVA NA
DRUŠ. MREŽAMA



150

VIZUALA NA
DRUŠ. MREŽAMA



14.500

PRIJATELJA NA
DRUŠ. MREŽAMA



48

Medijskih
objava

720.213

Pregleda na
www.ekopak.ba



CENTRI ZA PRIKUPLJANJE AMBALAŽNOG OTPADA



Vašu ambalažu u
ekopak
reciklažu!



Zmaja od Bosne broj 7
Importantne centar
71000 Sarajevo, BiH



Telefon: +387 33 921 934
Fax: +387 33 921 935



info@ekopak.ba
www.ekopak.ba
www.zelenatacka.ba

